

亭

林

詩

集

亭林詩集卷之二

金壇縣南五里顧龍山上有高皇帝御題詞一

關 己下上章
稿提格

突兀孤亭上碧空高皇於此下江東即今御筆畱題
處想見神州一望中黃屋非心天下計詞有他日偷閒花鳥
娛情山水才賦之句
青山如舊帝王宮丹陽父老多遺恨尚與兒童誦大
風

范華樂莊苑應詔許黃屋非堯心宋濂大明日曆序
元季驛跔奮起於民間以圖自全初無黃屋左轂之念

重至京口

雲陽至京口水似巴川縈逶迤見北山乃是潤州城
城北江南舊軍壘當年戍卒曾屯此西上青天是帝

京天邊淚作長江水江水遶城回山雲傍驛閣遙看
白羽扇知是顧生來

榜人曲

儂家住在江洲兩槳如飛自錄金兵一到北岸踏車
金山三周

宋史虞允文傳臨江接武命戰士倍
車船中流上下三周金山回轉如飛

真州城子自堅京口長江無恙艤舟夜近江南恐有
南朝丞相

大信國指南錄敵船滿江百姓無一舟可問與人爲謀皆以無船長嘆而止
余元慶遇其故舊舊爲敵管船遂密叩之許以承宣使銀千兩其人曰吾爲宋
朝效死一臣臣固建大功矣可以變爲臣求其始爲逆日趨乘之
詔因授以持帖仍強委之白金義人哉使吾無此一遭過已矣

流轉

流轉吳會間何地爲吾土登高望九州極目皆榛莽
寒潮盪落日雜迷魚鰈舞饑鳥晚未棲弦月陰猶吐
晨上北固樓慨然涕如雨稍稍去鬢毛改容作商賈
却念五年來守此良辛苦畏途窮水陸仇讐在門戶
故鄉不可宿飄然去其宇往往歷關梁又不避城府
丈夫志四方一節亦奚取母爲小人資委肉投餓虎
浩然思中原誓言向江濱功名會有時杖策追光武

秀州

秀州城下水日夜生春雲雲含秀州塔鳥下吳江濱
我願乘此鳥一見倉海君異人不可遇力士難再得
海內不乏賢何以酬六國將從馬伏波田牧邊郡北

復念少遊言憑高一悽惻

恭謁孝陵

己下重光早開

閏曆窮元季真符啓聖人九州殊夏裔萬古肇君臣
武德三王後文思二帝鄰卜年乘王氣定鼎屬休辰
江水紫丹闕鍾山擁紫宸衣冠天象遠法駕月遊新
正寢朝羣后空城走百神九疊超嶺墓原廟逼嶙峋
寶祚方中缺炎精且下淪郊垌來獵火死篴動車塵
繫馬神宮樹樵蘇御道薪巋然唯殿宇一望獨荆榛
流落先朝士間關絕域身干戈逾六載雨露接三春
患難形容改艱危膽氣真天顏杳靄接地勢巒紆親
尚想初陵制仍詢徙邑民因山皆土石用器不金銀

始有倡開
媒之說

紫氣浮天宇蒼龍捧日輪願言從鄧禹修詔

待西巡

漢書王莽傳贊餘分閭位
班固東都賦建武之年天地革命四海之內更
造夫婦肇有父子君臣初建人倫實始
史記孝文紀治霸陵皆以瓦器不
得以金銀錫錫爲節
太祖寶錄遺令喪葬喪物一以檢素不用金玉
漢書鄧禹傳南至長安率諸將齊戒持吉日修禮謁祠高廟因循行園陵爲
置支士奉守焉

拜先曾王考木主於朝天宮後祠中

升宗丹楊尹猶看古柳存
先公嘗爲應天府尹山河今異域瞻拜
獨曾孫雨靜鍾山閑雲深建業昏自憐禮禮客拭淚

到都門

南史劉毅傳毅六世祖惔晉時爲丹楊尹東宋曾於後堂請毅指聽事前古
柳樹謂毅曰人言此是劉尹時樹每想高風今復見鄉清德可謂不衰矣
城與張融王思遠書自謂貧困道經木裳容裝有足駭者

贈萬舉人壽祺

徐州人

白龍化爲魚一入豫且網愕眙不敢殺縱之遂長往
萬子當代才濶情特高爽時危見繫維忠義性無枉
翻然一辭去割髮變容像卜築清江西賦詩有遐想
楚州南北中日夜馳輪軼何人詞北方處士才無兩
回首見彭城古是霸王壞更有雲氣無山川但塊莽
一來登金陵九州大如掌還車息淮東浩歌閉書幌
尚念吳市卒空中弔颺颺南方不可託吾亦久飄蕩
崎嶇千里間曠然得心賞會待淮水平清秋發吳榜

西都賦惟懷懷而不能贊贊不能贊贊而不能贊
舞臺以詞其方漢書梅福傳妻名姓爲吳市門卒

淮東

淮東三連城其北舊侯府昔時王室壞南京立新主
河上賊帥來東南費擇柱詔封四將軍分割江淮土
侯時擁兵居千里斂安堵促觴進竽瑟堂上坎坎鼓
美人拜帳中請作便旋舞爲歡尚未畢羽檄來旁午
揚旛出廟灣欲去天威怒舉族竟生降一旦爲俘虜
傳車詣幽燕猶佩通侯組長安九門中出入黃金塢
故侯多嫌猜黃金爲禍胎白日不爾待長夜來相催
彷徨闕門前一時下霆雷法吏逢上意羅織及嬰孩
具獄阿房宮腰斬咸陽市踟躕念黃犬太息誦諸子
父子一相哭同日歸萬里有金高北邙不得救身死
地下逢黃侯舉手相揶揄我爲天朝將爾作燕山俘

俱推凶門轂各剗河山符嗟公何不死死在淮東邪
一死留芳名一死骨已枯寄語後世人觀止兩丈夫

贈人

楊朱見路歧泣然涕沾臆路旁多行人一南一以北
南北遂分手去去焉所極南指越裳山北適檀桑國
同在天地間合併安可得此去道路長哀哉各努力
步上太行山盤石鬱相抱行人共太息此是摧軼道
前路無康莊回車苦不早聞君將有適念此令人老
山下有丈夫窮年採芝草不出巖谷間長得顏色好

同族兄存渝拜黃門公墓

已下文
默執徐

公姓顧氏諱野王字希馮以梁臨賀王記室

參軍起兵討侯景入陳官至黃門侍郎墓在
今蘇州府吳縣橫山東五里越來溪上盧襄
石湖志曰墓上有一巨石橫臥可二丈許石
上古松一枝似蓋湖上望見之即知爲野王
墳今樹與石無恙天啓中有勢家欲奪其地
而葬窩已穿矣族兄存渝發憤訟於官得止
其勢家所築周垣及樹木皆歸顧氏

古墓橫山下遺文郡志中才名畱史傳譜系出先公
歲月千年邈郊垌百戰空立松標舊窩偃石護幽宮
地自豪家奪碑因貴客讐賢兄能發憤陳述遂昭融
念昔遭離亂於今事略同登車悲出走雪涕問臨戎

述記名山業提戈國士風荒祠亾血食汗簡續孤忠
山勢仍吳鎮溪流與越通春言懷往烈感慨意無窮

贈路舍人澤溥

秋鴈違朝風來集三江裔未得遂安棲徘徊望雲際
嗚呼先大夫早識天子氣謁帝三山宮柄用恩禮備
汀江失警蹕一死魂猶視君從粵中來千里方鼎沸
絕跡遠浮名林臯託孤詣東山峙大湖昔日軍所次
奉母居其中以待天下事相逢金闈西坐語一長喟
復叙國變初山東竝賊吏長淮限南北支撐賴文帥
擒魁獻行朝逆黨皆戰慄江外甫晏然卒墮權臣忌
鑠金口未白牧馬彎弓至天子呼恩官干戈對王使

利害曰辰有字
因忠官降拔飛

感激千載逢一下君臣淚嶺表多炎風孤

棺託蕭寺怒聲灑水急遺策空山悶君才賈董流知
乃忠孝嗣國步方艱危簡在卿昆季經營天造始建
立須大器敢不竭微誠用卒先臣志明夷猶未融善
保艱貞利

左傳昭五年明夷之謙
明而未融其當且平

清江浦

此地接邵徐平江故蹟餘開天成祖代轉漕北京初
關下三春盡湖存數尺瀦淮安城西有五瀦每歲糧船以春月北
上夏初開艤以防黃水灌入襄河俟秋
水退九月開艤回空艤內所瀦船通國命倉廩峙軍儲陵谷
皆高郵寶應諸湖南來之水
天行變山川物態疎黃流侵内地清口失新渠米麥

江淮貴金錢。帑藏虛蒼生。稀土著赤地。少耰鋤廟食。
恩封券河防。重重書路旁。看父老。指點問舟車。

丈夫

丈夫志四方。有事先懸弧。焉能釣三江。終年守菰蒲。
如何駟隙間。流光日已徂。矯首望太行。努力驅鹽車。
風吹河北鴈。頭香雲中呼。豈無懷土心。所羨千里途。

王家營

荒垌據淮津。彌望徧秋草。行人日夜馳。此是長安道。
鷄鳴客車出。四野星光早。征馬乏青芻。山川色枯槁。
燕中舊日都。風景猶自好。衣殘若上縉。米爛東吳稻。
公卿不難致。所患無金寶。還顧旅舍中。空囊故相惱。

回頭問行人 路十如何老

通鑑路震佐崔鉉於淮南為文使鉉知其必貴嘗曰路十終須作彼一官時而入為監察御史不出長安幾十年至家相其自監察入翰林日鉉猶在淮南聞之曰路十今已入翰林如鉉言

傳聞

傳聞西極馬新已下湘東五嶺遮天霧三苗落木風
間關行幸日瘴癘百蠻中不有真王禮誰收一戰功
廿載河橋賊於今伏斧礮國威方一震兵勢已遙臨
張楚三軍令尊周四海心書生籌往略不覺淚痕深

路舍人家見東武四先曆

已下昭陽大荒落

夏后昔中微國絕四十載但有少康生即是天心在
曆數歸君王百揆領冢宰路公文貞識古今危難心不

怠屬車乍蒙塵七閭盡戎壘粵西已踰年其歲直丁亥侵尋各自擁迫蹙限厓海廈門絕島中大澤一空畧新曆尚未頒國疑更誰待遂命疇人流三辰候光彩印用文淵閣丹泥勝珠琲龍馭杳安之台星隕衡鼐猶看正朔存未信江山改在昔順水軍光武戰幾殆子顏獨奮然終竟齊元凱叔世乏純臣公卿襍鄙猥持此一冊書千秋戒僚采

莊子秋太篇計四海之在天地間也不似羃空之在大澤乎左思吳都賦
乘時闢干後漢書光武紀光武北擊尤來大捨五幡於順水北乘勝輕進
反爲所敗軍中不見光武或云已沒諸將不知所爲吳漢曰猶曹操努力
王兄子在南陽何憂無主衆恐懼數日乃定吳漢傳吳漢字子顏

再謁孝陵

再陟神壇下還經禁嶺隈精靈終浩蕩王氣自崔嵬

突兀明樓峙呀摩御殿開形雲浮苑起碧巒到宮廻

鼎叶周家卜符占漢代災蒼松長化石黑土乍成灰

城闕春生草江夜起雷興王龍虎地命世鄂申才

瞻拜魂猶惕低徊思轉哀上陵餘舊曲何日許追陪

補子厚送朝陽縣詩反字誤咬惠
寶觀有六松柏相曰此松後三十餘年即化爲石自後松果化爲石

恭謁高皇帝御容於靈谷寺

肅步投禪寺焚香展御容人間垂法象天宇出真龍
隆準符高帝虬鬚軼太宗掃除開八表盪滌翦羣兇
大化乘陶冶元功賴發蹤本支書胙德臣辟記勲庸
遺像荒山守麿函古刹供神靈千載後運會百年重
痛追西周感愁深朔漠烽萬方多蹙蹙薄海日嗁嗁

臣籍東吳產皇恩累葉封天顏仍左顧國難一趨從
飄泊心情苦來瞻拜跪恭異時司隸在可許下臣逢

贈朱監紀四輔寶應人

十載江南事已非與君辛苦各生歸愁看京口三軍
潰痛說揚州七日圍碧血未消今戰壘白頭相見舊
征衣東京朱祐年猶少莫向尊前歎式微

監紀示游粵詩

知君前自廣州來龍水孤雲萬壑哀兩路攻虔皆不
下一軍守嶺竟空回同時金李多驍將遺事江山只
戰臺獨有臨風憔悴客新詩吟罷更徘徊

贈鄖處士繼思

市中問韓康藥肆在何許牀頭本草書門外長桑侶
每吟詩一篇冷然在雲天筠穿北固雪艇迷京口煙
六代江山好愁來恣搜討蘭蓀本獨芳薑桂從今老
去去復棲棲河東王伯齊年年尋杜甫一過浣花溪

後漢書第三倫客河東號名芝自稱王伯齊戴踵往來太原上黨所過輒爲其除而去陌上號爲道士親友故舊莫知其處

昔有

昔有楚項羽寧割封侯王徙帝都上游殺之於南方
大權既分裂海內爭雄疆何況咫尺間羸秦尚未亡
時會互反覆壯盛豈有常感事再三歎令我一傷惺
魏政昔濁亂兵甲興爾朱唐臣多險浮全忠肆誅屠
貪夫分自當不用重哀吁河陰與白馬千載同一途

奈此國命何大勢常與俱天意未可窺或爲真人驅

楊明府永言

喜雨人

昔在崑山倡義不克爲僧於華

亭及吳帥舉事去而之蘭谿今復來吳下感舊

有贈

絕跡雲間日分飛海上秋超然危亂外不與少年儔
閱歲空山久尋禪古寺幽干戈纏粵徼妻子隔寧州
乍解桐江纜仍回谷水舟刀寒餘斗色血碧帶江流
舊卒蒼頭散新交白眼休同年張翰在張行人
粉之賓客顧榮畱海日初浮嶼吳霜早覆洲與君遵晦意不負一
匡謀

送歸高士之淮上

送君孤棹上長淮千里談經意不乖卜宅已安王考
兆攜書還就故人齋簷前映雪吟徧苦窗下聽鶴舞
亦佳此日邴原能斷酒不煩良友數繁懷

三國志邴原傳注原舊能飲酒自建寧六年酒不向以及臨別師友以原
不飲酒會未由送原原曰本能飲酒但以荒思廢業故斷之耳今當遠別因
見送袋可一飲燕於是
先生飲酒終日不醉

贈劉教諭永錫

大名人

廬遲十載五湖濱久識元城劉器之百口凋零餘僕
從一身辛苦別妻兒心悲潭水春犁日日斷長洲夕
鴈時獨我周旋同宿昔看君臥起節頻持

郝將軍太極滇人也天啓中守霑益余於敘功
疏識其姓名今爲醫客於吳之上津橋言及舊

事感而有贈

曾提一旅制黔中水藺諸酋指顧空入楚廉頗猶未老過秦扁鵲更能工風高効氣峻川外水沸茶聲鶴澗東橋畔相逢不相識漫將方技試英雄

隋書史莫榮傳
入自靖陰川

孝陵圖

有序

重光單闕二月已巳來謁孝陵值大雨稽首門外而去又二載昭陽大荒落二月辛丑再謁十月戊子又謁乃得趨入殿門徘徊瞻視鞠躬而登殿上中官奉帝后神牌二其後蓋小屋數楹皆黃瓦非昔制矣升甬道恭視明

樓寶城出門周覽故齊宮祠署遺址牧騎克
兵不便攜筆硯同行者故陵衛百戶束帶玉
稍爲指示退而作圖念山陵一代典故以革
除之事寶錄會典竝無紀述嘗先朝時又爲
禁地非陵官不得入焉其官於陵者非中貴
則武弁又不能通諳國制以故其傳鮮矣今
既不盡知知亦不能盡圖而其錄於圖者且
不盡有恐天下之人同此心而不獲至者多
也故寫而傳之

鍾山白草枯冬月蒸宿霧十里無立櫓岡阜但回互
寶城獨青青日色上霜露殿門達明樓周遭尚完固

其外有穹碑巍然當御路文自成祖爲千年繫明祚
侍衛八石人祇肅候靈輅下列石獸六森然象齒簿
自馬至獅子兩兩相比附中間特峯崕有二擎天柱
排列榛莽中凡此皆尚具又有神烈山世宗所封樹
臥碑自崇禎禁約煩聖諭石大故不毀文字猶可句
至於土木工俱已込其素東陵在殿左先時懿文祔
云有殿二層去門可百步正殿門有五天子升自阼
門內廡三十左右以次布門外設兩厨右殿上所駐
祠署并宮監羊房暨酒庫以至各扉宇竝及諸宅務
東西二紅門四十五巡鋪一一費搜尋涉日仍迷瞀
山後更蕭條兵牧所屯衆洞然見銘石崩出常王墓

何代無厄菑神聖莫能度幸茲寢園存皇天永呵護
奄人宿其中無乃致褻汙陵衛多官軍殘毀法不捕
伐木復撤亭上觸天地怒雷震樵夫死梁壓陵賊仆
乃信高廟靈却立生畏怖若夫本衛官衣食久遺蠹
及今盡流冗存兩千百戶下國有畿臣一年再奔赴
低徊持十管能作西京賦尚慮耳目福流傳有錯誤
相逢處子大獨記陵木數未得對東巡空山論掌故

後漢書光武紀流元道路
漢書漢延傳光武東巡路過小黃高帝母昭靈后圓陵在焉時延爲都督郵
詔呼引見問圓陵之事延進止從容占拜可觀其陵樹株蘖皆請其數粗豆
幾甚頽曉其理帝善之使託司馬桓如傳宣命掌故悉奏其義而覽焉漢
書李陵曰孝故太
書李陵曰孝故太

師官屬主故事者

十廟

鶴鳴山下有帝王功臣
十廟後人但謂之十廟

我來雞籠下十廟何蒼涼周垣半傾覆棟宇皆頽荒
樹木已無有寂莫餘山岡功臣及卜劉竝作瓦礫塲
衛國有遺主尚寓五顯堂武惠僅一間廟貌猶未亡
葬廟頽完具欹側惟兩廊帝王殿已撤主在門中央
或聞道路言欲改祀三皇真武竝祠山香火仍相當
其南特煥然漢末武安王云是督府修中絕以堵牆
陪京板蕩餘百司已更張神人悉異名不改都城隍
朔望及雩祈頓首誠恐惶神奉太祖勅得以威遐荒
畱此金字題昭示同三光追惟定鼎初遣祀明綸將
二百七十年吉蠲存太常三靈俄乏主一代淪彝章
圓丘尚無依百神焉得康騎士處高廟陵闕來牛羊

何當挽天河滌去諸不祥無文秩新邑人鬼咸建寧

復見十廟中冠佩齊趨踰此詩神聽之終古其毋忘

漢書王莽傳云高廟神靈遣虎嘗武士入高廟拔劍四面提擊斧壞戶所桃湯赭鞭轍灑屋壁今輕車校尉居其中又令北軍中壘居高寢書洛陽

或缺無文

漢書郊祀

歌聲成萬田百思定嘗

金山

二下
逢款并

東風吹江水一夕向西流金山忽動搖塔鈴語不休
水軍一十萬虎嘯臨皇州巨艦作大營飛旛爲前茅
黃旗亘長江戰鼓出中洲舉火蒜山旁鳴角東龍湫
故侯張子房手運丈八矛登高矚山陵賦詩令人愁
沈吟十年餘不見旌旆浮忽聞王旅來先聲動燕幽
闔廬用子胥鄖郢不足收祖生奮擊楫肯效南冠囚

願言告同袍乘時莫淹留

晉書佛圖澄傳段末波攻石勒衆甚盛問澄澄曰昨日寺鈴鳴云明日食時當禽段未波劉曜攻陰陽勒持故之以訪澄澄曰相輪鈴音云秀文替天雨穰谷劬堯當此言軍出捉得曜也

僑居神烈山下

與得山南半畝居偶因行藥到郊墟依稀玉座浮雲
裏落莫金莖淡日初塔葬屬支城外土營屯塞馬殿
中廬猶餘伯玉當年事每過陵宮一下車

列女傳衛宣公與夫人夜坐聞草聲輒辨至闕而止過門復有聲公問夫人曰知是爲誰夫人曰此蘧伯玉之其人不以聞昧廢禮是以知之公使人視之果伯玉也

古隱士

幼安遭漢季一身客遼東世亂多傾危築室溪山中

自非學者流名字罕得通研心易六爻不用希潛龍
根矩好清評行止乃未同

嘗聞龐德公自守甘窮餓旦率妻子耕不知州牧過
關中催記攻河上袁呂破默默似無聞但理芸鋤課
獨識諸葛君一言定王佐

真州

擊楫來江外揚帆上舊京鼓聲殷地起獵火照山明
楚尹頻奔命宛渠尚守城真州非赤壁風便一臨兵

太平

天門采石尚礪峋一代興亡此地親雲擁白龍來戍
壘日隨青蓋落江津常王戈甲先登陣花將鬚眉罵

賊身猶是南京股肱郡憑高懷往獨傷神

吳志孫時傳注引干寶晉紀庚子歲青云當入銅陽采石磯常遇春禽舟奮戈先登泉皆拔靡遂拔采石

太祖寶輦上流江抵陳友諒陷太平守將

輕密莫辨花雲大罵而死

梟磯

下接金山上小孤一磯中立鎮蕪湖千年形勢分南北萬里梯航達帝都嶺色遠浮黃屋盡江風寒拂白頭烏高皇事業山河在畱得奎章墨未枯

廟中高皇帝御製詩金字牌

一

三國吳景侯基位令餘朱雀門其日有白頭鳥萬許集於門樓童謡曰白頭鳥拂朱雀還與吳

江上

清霜覆蘆花秋向江岸白青山矗江天飛鳥去無跡

行行獨愁思今爲遠行客晨樵水上峰夜釣磯邊石
酌水復烹魚可以供日夕且此恣盤桓安能守阡陌
江風吹回波垂釣魚不上歲旱耕山田抱甕禾不長
閒來走磯下輕舟駕兩槳何處是新洲日入秋砧響
聞有伐荻人欣然願偕往恐復非英流空結千齡想

南史宋武帝
晉侯袁叔淵

久畱燕子磯院中有感而作

寄食清江院從秋又涉冬水侵慈姥竹風落孝陵松
野宿從晨釣山居傍夕烽相逢徐孺子多謝郭林宗

輿地志卷之山積石臨江岸壁峻絕出竹甚爲篠管宋梅聖俞有慈姥山
石崖上竹報記後漢書徐稚傳謂茅容曰爲我謝郭林宗大樹無根非一
錦衣雖何爲橫

復不棄草廬

范文正公祠

先朝亦復愁元昊臣子何人似范公已見干戈纏海內尚留冠佩託江東含霜晚穗遺田裏熙日寒禽古廟中吾欲與公籌大事到今憂樂恐無窮

錢生肅潤之父出示所輯方書

和扁日以遙治術多瞀亂方書浩無涯其言比河漢彭鏗有後賢物理恣探玩恥爲俗人學特發仁者歎五勞與七傷大抵同所患循方以治之於事亦得半條列三十餘有目皆可看略知病所起可以方理斷哀哉末世醫誤人已無算頗似郭舍人射覆徒夸誕信口道熱寒師心作湯散未達敢嘗之不死乃如綫

豈如讀古方猶得依畔岸在漢有孝文仁心周里開
下詔問淳于一篇著醫案如君靜者流嗣子况才彥
何時遇英明大化同參贊

元旦陵下作

已下接
崇禎

十載逢元日朝陵有一臣山川通御氣節物到王春
闕下樵蘇盡江東戰伐新相看園殿切鵠立幾榮神
是日稱三始何時見國初風雲終日有兵火十年餘
甲子軒庭曆春秋孔壁書幸來京兆里得近帝王居

史記天官書正旦賦
終日有喜有風有日

常熟歸生晨陳生芳績書來以詩答之

十載江村二子偕相逢每詠步兵懷猶看老驥心偏

壯士惜飛龍羽乍垂海上戈船連渥瀆石頭烽火照
秦淮先朝舊事君休問鼓角淒其滿御街

金陵志烽火樓在石頭城西
南最高處吳時舉烽於此

贈路光祿太平

已下數首皆余蒙難之作先是有僕陸恩服
事余家三世矣見門祚日微叛而投里豪余
持之急乃欲陷余重案余聞亟擒之數其罪
沈諸水共壻復投豪訟之郡行千金求殺余
余既待訊法當囚繫乃不之獄曹而執諸豪
奴之家同人不平爲代憲之兵備使者移獄
松江府以殺奴論豪計不行而余有戒心乃

浩然有山東之行矣

弱冠追三古中年賦二京一門更喪亂七尺尚呼欒
江海存微息山陵鑒本誠落其裁十畝覆草只三榼
變故興奴隸莽蜂出里閭彌天成夏網畫地類秦院
獄卒逢田甲刑官屬甯成文溪從鍛鍊事急費經營
節俠多燕趙交親即弟兄周旋如一日慷慨見平生
疾苦頻存問阽危得柱撐不侵貞士諾逾篤故人情
木向猿聲老江隨虎跡清更承身世畫不覺涕霑纓

呂氏春秋湯見祝經者置四面其祝曰從天墜者從四方來者皆
瞿鳩湯日鳴畫之矣非桀其數爲此晉傅玄詩夏蒸爲無道密
飼於山阿

謝王生仍

故國羈人怨誰深感君來往數相尋都將文字銷餘

日難把幽憂損壯心演易已成殷牖蹟援琴猶學楚
囚音黧顏白髮非前似只有新詩尚苦吟

梁皮屑音詩
校讎文選錄

永夜

永夜刀鳴動箭中起看征鴈各西東山憐虎阜從波
涌路識閭門與帝通待客荆卿愁日晚艤舟漁父畏
天風當時多少金蘭友此際心期未許同

晉王珣虎丘山銘虎丘山先名海濱山孫權記注
曰吳西郭門曰閭門夫差作以天門通閭故名之

詒陳生芳績

百里相思路阻紓每承遺札訊何如絕交已廣朱生
論發憤終成太史書笠澤水清連底日虞山葉落到

根初從今世事無煩問但掩衡門學種蔬

贈路舍人

自分寒灰即湧餘非君那得更吹嘘窮交義重千金
許疾更情淡一上書大麓陽殿回宿草岷江春水下
枯魚丁寧未忍津頭別此去防身計莫疎

漢書苏武傳
史之風悲痛之辭

贈錢行人邦寅

丹徒人

李白真狂客江淹本恨人生涯從吏議直道託羣倫
之子才名重相知管鮑親起風還鷁羽失海動龍鱗
孤憤心尤烈窮愁氣未申彪年黃浦雪殘臘玉山春
貢日精誠久回天事業新南徐游歷地儻有和歌辰

江海恨賦本恨人
照雲鶴曉意景形年

松江別張處士慈王處士煥暨諸友人

已下未
兆源

十載違鄉縣三年旅舊都風期嘗磊落節行特崎嶇
坐識人倫傑行知國器殊論兵卑起翦畫計小陰符
世事陵夷極生涯閱歷枯人情來轍藉鬼語得揶揄
郭解多從客田儋自縛奴事危先與手法定必行誅
義洩神人憤歎騰里開呼匣餘刺兕劙橐解射狼弧
卦值明夷晦時逢聽訟孚邑豪方齣艱獄吏實求須
棠臬經時梨南冠累月拘橐饘誰問遺衣食但支吾
薄俗吳寇最危蠻蜀道俱每煩疑戴鬼動是泣岐塗
畜是樊中雉巢鄰幕上烏霜因郤衍下日爲魯陽驅

抱直來東土含愁到海隅春生三泖壯雪盡九峰紓
異郡情猶微同人道不孤未窮憐舌在垂死覺心蘇
大義摧牙角溪懷臺尾胡奸雄頻飲手國士一張鬚
知已憐三峩名流重八厨欲將方寸報惟有漢東珠

史記田儋傳曰儋舞爲楚其弟從少年之足
跡往與平甚快適鑑字文化及勝言曰何用持此物出至還與手胡三省注
與子魏齊聞人率有是言言與之毒手而殺之也左
傳昭公元年叔孫召使者裂裳帛而與之曰帶其歸矣

贈潘節士樞章

北京一崩淪國史遂中絕二十有四年記注亦殘缺
中更支與賊出入互轢轉亾城與破軍紛錯難具說
三案多是非反覆同一轍始終爲門戶竟與國俱滅
我欲問計吏朝會非王都我欲登蘭臺祕書入東虞

文武道未亡臣子不敢誣竄身雲夢中幸與國典俱
有志述三朝并及海宇圖一書未及成觸此憂患途
同方有藩子自小耽文史犖然持巨筆直遡明興始
謂惟司馬遷作書有條理自餘數十家克棟徒爲爾
上下三百年粲然得綱紀索居患無朋何意來金陵
家在鍾山旁雲端接觚稜親見高帝時日月東方升
山川發秀麗人物流名稱到今王氣存疑有龍虎興
把酒爲君道千秋事難討一代多文章相隨沒幽草
城無絃誦生柱砌藏書老同文化文字刲火燒豐鎬
自非尼父生六經亦焉保夏亡傳禹貢周衰垂六官
後王有所憑蒼生蒙治安皇祖昔賓天天地千年寒

聞知有小臣復見文物完此人待聘珍此書藏名山
顧我雖逢掖猶然抱遺冊定哀三世間所歷如旦夕
頗聞董生語曾對西都客期君共編摩不墜文獻迹
便當挈殘書過爾溪上完

戰國策吳與楚戰于柏舉三戰入郢君王身出大夫悉屬百姓離散蒙毅結
繩於宮牆之上含糞卒郢遂入大宮郢雖次之竟以浮於江楚於夢之中
四三反郢五官失法百姓皆歸蒙毅獻其五
言得法而百姓大治蒙毅之功與李愬相若

閏五月十日恭詣孝陵

忌日仍逢閏星躔近一周空山傳御幄第路想行駒
寢殿神木出祠官玉筆收蒸嘗憑絕鴟靴磬託荒陬
薄海哀思結遺臣涕淚稠禮應求草野心可對玄幽
寥落存王事依稀奉月游尚餘歌頌在長此侑春秋

國語道第不可行也

漢書孝平紀元始元年二月乙未義陵寢神衣左柙

中丙申旦衣在外牀上寢令以急變聞用太牢祠王莽傳地皇元年七月
杜陵便殿乘輿虎文木寢藏在室匣中者出自樹

立外堂上良久乃委地更卒見者以聞恭之

王處士自松江來拜陵畢遂往蕪湖

宵來騎白馬躡竈向鍾山忽遇窮途伴相將一哭還君來猶五月不逐秦淮節攜手宿荒郊行吟對宮闕此去到蕪湖山光似舊無若經巡幸地爲我少踟躅

桃葉歌

桃葉歌宛轉舊日秦淮水清淺此曲之興自早晚青溪橋邊日欲斜白土岡下驅虞車越州女子顏如花中官采取來天家可憐馬上彈琵琶三月桃花四月葉已報北兵屯六合宮車塞上行塞馬江東獵桃

葉蕪桃根殘英委白門相逢冶城下猶有六朝魂

清音五行志陳時江南崖巖王獻之楓葉詞云楓葉復生葉渡江不開君但渡無所苦我自迎接汝反隋晉王廣伐蘇豈嘗楓葉山下反東晉虎渡江大業任蠻奴至新林以導北軍此其應也隋書藝事傳樂人王義言妙達音律大業末爆帝將幸江都令言之于僧從菴於外潭胡琵琶作曲謂安公子曲今言寺臥室口聞之大驚爲妙然而走曰變矣急呼其子曰此曲與自早晚

黃侍中祠

在南京三山門外相沿舊稱

侍中名觀洪武二十四年殿試第一建文末奉詔募兵安慶聞南京不守自沈於江其妻翁氏及二女爲官所簿錄將給配象奴亦赴水死後人即其葬地爲侍中立祠

侍中祠下水奔渢有客悲歌叩郭門古木夜交貞女冢光風春返大夫魂先朝侍從多忠節當代科名一

狀元莫道河山今便改國於天地鎮長存

左傳昭公元年秦后子

曰國於天地有與立焉

王徵君潢具舟城西同楚二沙門小坐柵洪橋

下

大江從西來東抵長干岡至今號柵洪對城橫石梁

止攝蓋吉時立柵處本當名柵江後誤爲洪耳指與之爲射洪也

落日照金陵火旻生秋涼都城

久塵坌出郊且相羊客有五六人鼓枻歌滄浪盤中

設瓜果几案羅酒漿上坐老沙門舊日名省郎

熊若曾開元會

折帝廷檣幾死丹陛旁天子自明聖畢竟誅安昌南

走侍密勿一身再奔亡復有一少者沈毅尤非常

樊若曾

不肯道姓名世莫知行藏其餘數君子鬚眉各軒昂

爲我操南音未言神已傷流賊自中州楚實當其吭
出入十五郡南國無安疆血成江漢流骨與溝廬室
赫怒我先帝親遣元臣行北落開和門三台動光芒
一旦賣大命藩后廢荆襄遂令三楚間哀哉久戰場
寧南佩侯印忽焉竟拔倡寧南侯_{左良王}稱兵據上流以國資
東陽豈無材略士忍死奔遐荒落鴈衡北回窮鳥樹
南翔可憐洞庭水遺烈存中湘何騰蛟達_{封中湘王}連營十三鎮
恣肆無朝綱夜半相誅屠三宮離武岡縣中亦楚地
君長皆印章國家有驅除往往用土狼積雨閉摩泥
毒流漲昆明蠻陬地斗絕極目天茫茫頃者西方兵
連歲爭辰陽心悼黃屋遠眼倦烽火忙楚雖三戶存

其人故倔彊崎嶇二君子志意不可量鄭公抗忠貞
左徒吐潔芳舉頭是青天不見一曜光何意多同心
合沓來諸方僕本吳趨士雅志陵秋霜適來新亭宴
得共賓主觴戮力事神州斯言固難忘我寧爲楚囚
流涕空霑裳

宋史天文志北落師門一星在羽林軍南止者宿在北方落者天軍之落也師門皆軍門

攝山

徵君舊宅此山中山館屏顏往蹟空藥徑春添千嶂雨
松厓夜起六朝風忘情魚鳥天機合適意川巖物象同
一入籬門人世別幾人能不拜蕭公

漢書司馬相如傳枚散叫岸壁以屏顏號號曰屏顏不齊也官苑記舊京南北兩岸籬門五十六所蓋京邑之郊門尤江左初立並用籬爲之故曰

第門南齊書王儉傳宋世外六門設竹籬建元初有發白虎符者言白門三重門竹籬穿不完上感其言改立都牆

賈倉部必選說易

昔年清望動公車此日著英有幾家古注已聞傳孟喜遺文仍許授侯芭竹牀排硯頻添墨石屋支鑑旋煮茶更說都城防寇事至今流涕賈長沙

漢書儒林傳蜀人趙賓云小數書後爲易持論巧慧易家不能雖云受王喜事爲名之

旅中

久客仍流轉愁人獨遠征釜遭行路奪席與舍兒爭混跡同傭販甘心變姓名寒依草下草饑移鑪中羹浦鴈先秋到關雞候旦鳴蹕穿山更險船破浪猶橫喪病年來有衣裝日漸輕榮枯心易感得喪理難平

默坐悲先代勞歌念一生買臣將五十何處謁承明

訓王處士九日見懷之作

是日驚秋老相望各一涯離懷銷濁酒愁眼見黃花
天地存肝膽江山閱鬢華多蒙千里訊逐客已無家

送張山人應鼎還江陰

舊京秋色轉霏微目送異陵一鴈飛笑我畏人能久
客嗟君懷土便思歸風高海氣龍王廟水落江聲燕
子磯卉布家鄉多已作此行須換芰荷衣

陳生芳鑽兩尊人先後即世適皆以三月十九
日追痛之作詞旨哀惻依韻奉和

一生愁恨集今辰尚有微軀繫五倫淚盡宛詩言我

日悲濶魯史筆玉春山頭馬鬣封孤子天上龍髯從
二親畱此一絲忠孝在三綱終古不曾淪

帝后登遐一忌辰天讐國恥世無倫那知考妣還同
日從此河山遂不春弘演納肝猶報主王衷泣血倍

思親人寰尚有遺民在大節難隨九鼎淪

渠書亦陵王給傳大
徵猶強天警未雪

亭林詩集卷之二終

亭林詩集卷之三

元日

已下張國祚題

晨興自江上踰嶺走鍾山肅然至殿門雙扉護重關
初日照宮闈隱映城郭間空山寂無人獨來拜榛菅
流轉雖不居咫尺猶天顏喜會牧馬收因鑿乍清閒
歲序一更新陽風動人寰佇期龍虎氣得與春光還
復想在宥初蒼生願重攀

杜子美詩武德開
元降倉生豈重攀

萊州

海右稱名郡齊東亦大都山形當斗入人質竝魁梧
月主秦祠廢沙壇漢蹟孤已無巡狩蹕尚有戍軍郛

淮海鹽千斛載同棗萬株
壘梁通日際蜃市接神區
轉漕新河格分營絕島迂三方從廟算二撫各兵符
天子初謀三方而
置都督三軍之撫碑
甲初傳造戈鋌已擊屠中丞愁餌賊
太守痛捐軀朱萬年郊壘青烽出城陴白骨枯危情隨
事往淡慮逐年徂計士悲疵國遺民想霸圖登臨多
感槩莫笑一窮儒

史記封禪書成山斗入海
入日八神六曰月主祀之萊山 又曰天子乃
禱萬里沙應劭曰萬里沙神祠也在東萊曲城
書大誥天降威知我國有

矣

安平君祠

在即墨縣今廢

太息全齊霸業遺如君真是一男兒功成棧道迎王
日志決危城仗鋩時饑鳥尚銜庭下粒老牛猶飲穴

邊池可憐王建降秦後千古無人解出奇

不其山

漢不其縣有康成書院今廢

荒山書院有人耕不記山名與縣名爲問黃巾滿天下可能容得鄭康成

後漢書鄭玄傳自徐州還高密道遇黃巾賊數萬人見玄皆拜相約不敢入縣境

勞山歌

勞山拔地九千丈崔嵬勢壓齊之東下視大海出日月上接元氣包鴻濛幽巖秘洞難具狀煙霧合沓來千峰華樓獨收衆山景一一環立生姿容上有巨峰最峯方數載榛莽無人蹤重厓複嶺行未極澗壑窈窕來相通天高日入不聞語悄然衆籟如秋冬奇花

名藥絕凡境世人不識疑天工云是老子曾過此後
有濟北黃石公至今號作神人宅憑高結構畱仙宮
吾聞東嶽泰山爲最大虞帝柴望秦皇封其東直走
千餘里山形不絕連虛空自此一山奠海右截然世
界稱域中以外島嶼不可計紛紜出沒多魚龍八神
祠宇在其內往往基置生金銅古言齊國之富臨淄
次即墨何以滿目皆蒿蓬捕魚山之旁伐木山之中
猶見山樵與村童春日會鼓聲逢逢此山之高過岱
宗或者其讓雲雨功宣氣生物理則同旁薄萬古無
終窮何時結屋依長松嘯歌山椒一老翁

觀大山賦
余徵生萬物

張饒州允掄山中彈琴

趙公化去時一琴遺使君五年作太守却反東臯
有時意不愜來躡勞山雲臨風發宮商二氣相絪
緼可憐成連意空山無人聞我欲從君棲山厓與海漬
淮北大雨

秋水橫流下者巢踰淮一百里即荒郊已知舉世皆行
潦且復因人賦苦匏極浦雲垂翔濕鴈溪山雷動起
潛蛟人生只是居家慣江海曾如水一均

國語施設不材
於人共濟而已

濟南

落日天邊見二峰平臨湖上出芙蓉西來水竇緣玉

屋南去山根接岱宗積氣蒼茫含斗宿餘波瀲澗吐
魚龍還思北海亭中客勝會良時不可逢
水翳牆崩竹樹疎廿年重說陷城初荒涼王府餘山
沼寥落軍營識舊墟百戰只今愁海岱一麾猶足定
青徐經生老却成何事坐擁三冬萬卷書

賦得秋柳

昔日金枝間白花只今搖落向天涯條空不繫長征
馬葉少難藏覓宿鴉老去桓公重出塞罷官陶令乍
歸家先皇玉座靈和殿淚灑西風夕日斜

南史宋武帝植蜀柳數株於靈和殿前
唐李商隱詩賜新堂和殿先皇玉座空

謝徐處士元善昔年新城之陷其母死焉故有

此作

桓臺風木正蕭辰
傾蓋知心誼
獨親季子已無觀樂地
偉元終是泣詩人
愁看落日燕山夜
畏見荒江郢樹春

來書劉爲昌平承天之行踏徧天涯更回轡欲從吾友卜東鄰

山東名勝志新拔縣東有歲馬至相傳齊桓公歌馬於此

登岱

三下著雍明茂

尼父道不行
喟然念泰山
空垂上六經
文不覩西周年
七十二君代乃有
封禪壇書傳多荒忽
誰能信其然既嘗小天下
復觀遂古前羲黃
與堯舜蕩滅同雲煙
社首卑附地徂徠高摩天
下視大海旁神州自相連
天地有變虧何人得昇仙
遺弓名烏號橋山葬衣冠

末世久澆訛孰探幽明原三萬六千年山崩黃河乾
立石既已利封松既已殘太陽不東昇長夜何漫漫
哀哉一顏淵獨立瞻吳門疲精不肯休計盡無崖垠
復有孟子與眷眷明堂言庶幾大道還民質如初元
上采黃金成下塞宣房湍何時一見之太息徒潺湲

易山附于地
金可成而河決可塞不死之藥可得仙人可致也

史記封禪章第六書臣之師曰黃

謂夫子廟

道統三王大功超二帝優斯文垂彖繫吾志在春秋
車服先公制威儀弟子修宅聞絲竹響壁有簡編畱
俎豆傳千葉章逢被九州獨全兵火代不藉廟堂謀
老檜當庭發清珠繞墓流一來瞻闕里如得與從遊

杜子美宿整石流詩新
文憂患餘聖哲垂家繫

七十二弟子

亂國誰知爾孤生且辟人危情嘗過宋困志亦從陳
籥舞虞庠夕弦歌闢里春門人惟季次未肯作家臣

一時同人多

子思仲尼弟子傳公曾襄字季次孔子曰天
下無道多爲家臣仕於都唯季次未嘗仕

謂周公廟

道化千年後明禋一國中禮猶先世守制比百王崇
配食唯元子丞嘗偏列公祠田還割魯氏系獨傳東
有祭由禮子周公之後東野氏今爲東野舊史書茅闢新詩采闢宮歸然遺殿在

不與漢侯同

謁孟子廟

古殿依邾邑高山近孔林游從齊魏老功續禹周漢
孝弟先王業耕桑海內心期應過七百運豈厄當今
辨說千秋奉精靈故國畝四基岡上柏凝望轉蕭森

大明一統志曰墓山在鄒縣東北三十里
山頂有石狀類臺基其西麓即三子墓

鄒平張公子萬斛園上小集各賦一物得桔槔

鑿木前人制收泉易卦稱天機無害道人巧合咸能
壤脉涓涓出川流捐捐升入晴常作雨當暑欲生冰
菜甲青草地花容赤繞塍彌令幽與劇頓使化工增
坐愛平畦廣行犧曲水澄灌園今莫笑此地近於陵

莊子藝木為櫟後重前輕草水若抽數如流
湯其名為棹易井收勿幕又曰寢為蓆

張隱君元明於園中寘一小石龕曰仙隱祠徵
詩紀之

白日浮雲隔幾重三山五嶽漫相逢
竭來未得從黃石老至先思伴赤松
哲士有懷多述酒英流無事且
明農猶憐末俗愚難塞故作幽龕小座供

百尺松陰十畝園此中人物似桃源
衣冠俎豆猶三代雞犬桑麻自一村
垣外白榆隨宿列樹頭青鳥候風翻
坐來疑是仙境試問先生笑不言

濟南

湖上荷花歲歲新客中時序自傷神
名泉出地羣巖郭急雨連山淨火昊絕代
詩題傳子美近朝文士數

于鱗愁來獨憶辛忠敏老淚無端痛古人

自笑

自笑今年未得歸酒樽詩卷欲何依呼僅向曉牽長
轡覓姬先冬綻故衣黃耳不來江表信白頭終念故
山微無因化作隨陽鴈一逐西風笠澤飛

詒歸祚明戴笠王仍潘檉章四子圭溪草堂聯

句見懷二十韻

異地逢冬節同人會圭溪蒼涼悲一別廓落想孤樓
刻燭初分韻抽毫亦共題雪裝吳苑白雲幕越山低
清醑傳杯緩哀弦入坐淒詞堪爭日月氣欲吐虹霓
寫恨工蘇李撼幽劇呂嵇風流知不墜肝膽幸無睽

掛帳安牛角擔囊逐馬蹄飄颻過東楚浩蕩適三齊

息足雪門下停車汶水西岱宗臨日觀梁父躡雲梯

洞壑來仍異關河去更迷人看秋逝鴈客喚早行雞

臥冷王章被窮餘范叔綿夢猶經冢宅愁不到中閨

宋詩有提問愁帶甲
宋告別添丁之句問字誰供酒繙書獨照藜雅言開竹徑

佳訊發蘭畦遺鯉情偏切班荆意各懷式微君莫賦

春雨正塗泥

灘縣

人臣遇變時人或愈於死夏祚方中微靡奔一人爾
二斟有遺跡當日兵所起世人不達權但拜孤山祀

天山色昌黎縣
十月有伯夷廟

左傳昭二十年

公愈於夏先諸

我行邇東方將尋孔北海此地有遺風其人已千載
英名動劉備一爲却管亥後此復何人崎嶇但荒壘
衡王府

賜履因齊國分枝自憲宗能言皆詔予廣斥盡疏封
地號東秦古王稱叔父恭穿池通海氣起榭出林容
巖里生秋草牛山見夕烽蛇遊宮向道鳥啄殿前松
失國非奔莒亡王不住共雍門今有歎流涕一相逢

史記齊僖三世家諸民齊言者皆子春王晉書五行志臨淄有大蛇
長丈餘丈直二小蛇入其口是從市入漢城陽景王祠中已而齊王問敗

督亢

此地猶天府當年竟入秦燕丹不可作千載自懷神

野燒村中夕桔桑壠上春一歸屯占後墟里少遺民

京師作

煌煌古燕京元遼開勦初興靖難師遂駐時巡仗
制掩漢唐閔德儼商周王魏義大明門如翬峙南向
其陽肇園丘列聖寢靈貺其內廓乾清至尊儼旗旛
綵以皇城垣靚浚濠天上其旁列兩街省寺鬱相望
經營本睿裁斲削命般匠鼎從郊廓卜宅是成周相
穹然對兩京自古無與抗鄆宮遜顯敞未央失宏壯
西來太行條連天矚崖嶂東盡巫閭支界海看澆灌
居中守在支臨秋國爲防人物並浩穰風流餘慨忼
百貨集廣道九金歸府藏通州船萬艘便門車千兩

縣廷祀四六三靈哀板蕩紫塞吟悲笳黃圖布氳帳

獄囚折父臣

王洽

郊死凶門將

滿桂

悲號煤山縊泣血思

陵葬

先皇帝改今號思陵

宗子洎羣臣鳶岑與黔漲丁年抱國恥

未獲居一障垂老人都門有願無繇償足穿貧士履

百載狂生盡愁同箕子過悴比湘累放縱橫數遺事

太息觀今郢空懷赤伏書虛想雲臺仗不覩舊官儀

惄惄念安傍復思塞上遊汗漫誠何當河西訪竇融

上谷尋耿况聊爲舊京辭投毫一吁悵

史記李廣傳以臨右北平歲秋滑稽傳東鄰先生久待詔公車貧困飢寒衣敝履不完行雪中履有上無下足畫踐地後漢書逢萌傳首戴瓦盆次

於市曰新手新平

荊州

北上漁陽道陰風倍慘寥窮魚浮淀白孽鳥向林低

故壘餘安史居人半霜矣停驂聊一問幾日到遼西

戰國策屬從東方來更蕙以盧谷而下之曰此蕙也註蕙子謂隱者於身如華子也舊唐書北狄傳奚國在京師東北一千餘里東接契丹西至突厥南

桓台縣河

北至靈廟

玉田道中

我行至北方所見皆一概竝有田子春尚守盧龍塞

驅車且東之英風宛然在山中無父老故宅恐荒穢

浭水久還流

薊州志浭水在豐潤縣西門外凡水東流而此獨西故名曰達濟河

盤山仍面內地

道無虧崩天行有蒙昧騁目一遐觀浩然發深愴可

憐壯遊人不遇熙明代

永平

流落天涯意自如孤蹤終與世情疏馮驥元不曾彈
鋏闢令安能強著書榆塞晚花重發後灤河秋鴈獨
飛初從茲一覽神州去萬里徜徉興有餘

謁夷齊廟

言登孤竹山愴焉思古聖荒祠寄山椒過者生恭敬
百里亦足君未肯滑吾性遜國全天倫遠行辟虐政
甘餓首陽岑不忍臣二姓可爲百世師風操一何勁
悲哉尼父窮每歷邦君聘楚狂歌鳳袞荷蕡譏擊磬
自非爲斯人棲棲無乃佞我亦客諸侯猶須善辭命
終懷耿介心不踐脂韋徑庶幾保平生可以垂神聽

寄弟紹及友人江南

已下唐維
大淵獻

仲尼一旅人棲棲去齊衛當其在陳時亦設先人祭
寢哉告孟言縮矣封防制而我亦何爲遠遊及三歲
前年北踰汶頃者東過薊三世但一身南瞻每揮涕
未敢廢烝嘗無由辦羊舞粟從仁者求酒向鄰家貰
庶幾僅來歆精靈眇天際不知自茲往吾駕焉所稅
世故多屯邅曰歸未成計疚如切中心沒齒安蔬飧

家語孔子厄於陳蔡七日不食子貢以所齋貨廟化園而出告糧於野人得
米一石焉顏回仲由歎之子召顏回三疋告于夢見先人豈或啓佑表歲子
故而達故吾將奈焉

北史王慧龍傳自慧龍
入國三世一身至理始有四子
詩疚如疚首

吾家有賜塾近在尚書浦前區百畝田後荅重門堵
子姓儼成行科名多接武家風萬石傳花竹平泉圃
蟬聯二百祀魂魄猶茲土一日閔滄桑他人代爲主

痛我遊子身中年遭薄祜驅車去關河行行遠豺虎
親朋不可見何況子同父碌碌想阿奴耕田故辛苦
行者歎四方居者愁門戶豈爲別離哀努力念爾祖

注士衡贈從兄車騎詩答
紀東家上精英若采沈

自昔遭難初城邑遭屠割幾同趙卒坑獨此一人活
既偷須臾生詎敢辭播越十年四五遷今復客天末
田園已侵并書卷亦剽奪尚虞陷微文雉羅不自脫
却喜對山川壯懷稍開豁秉心在忠信持身類迂濶
朋友多相憐此志貫窮達雖鄰河伯居未肯求吻沫
出國每徒行花時猶衣褐以此報知交無爲久惻怛

山海闢

茫茫碣石東此關自天作粵惟中山王經營始開拓
東支限重門幽州截垠堦前海彌浩漾後嶺橫岸粵
紫塞爲周垣蒼山爲鎖鑰緬思開創初設險制東索
中葉狃康娛小有干王略撫順矢初穿廣寧旗已落
抱頭化貞逃束手廷弼却駿駿河以西千里屯旛幕
閨外修八城指麾煩內閣孫承宗楊公昌箕二翼東西立
羅郭時稱節鎮雄頗折氣祲惡神京既顛隕國勢靡
所託啓關元帥降歟血名王諾自此來域中土崩無
鬪格海燕春乳樓塞鷹曉飛泊七廟竟爲灰六州難
鑄錯

這邊是招滅召朱全志盡殺經博牙軍誰去其邊而殺兵自是袁弱招滅博牙謂人曰今六州四十三縣鐵不能爲此錯也注錯鑑也又誤也雖以殺牙

軍之謀取
鑄錯爲陰

望夫石

威遠臺前春草萋望夫岡畔夜烏啼九枝白日扶桑
上萬疊蒼山大海西國是祗憑三寸舌老謀終惜一
丸泥愁心欲共秦貞女目斷天涯路轉迷

山海經陽谷上有扶桑十二樹浴房水中有大木九日名下枝一日居上枝
新序卷三謂於孫叔敖曰寡人未得所以爲國是也孫叔敖曰國之有
是衆非之所惡也臣恐王之不能定也 晉語
第六章曰既無先謀而久無壯事今以事君

昌黎

彈丸餘小邑固守作東藩列郡誰能比雄關賴此存
霜榦春砦出風葉夜旗翻欲問興城事聲吞不敢言

三屯營

三屯山勢巒崢嶸少保當年此建旌名似北平臨宿
將制如河上築降城忠祠日落來山鬼武庫苔封蝕
禁兵三忠祠在城南山上歲
西小門內有神器庫一望幽燕人物盡頽垣荒草不

勝情

恭謁天壽山十三陵

成祖昔定都乃省茲山陽羣山自天來勢若蛟龍翔
東趾據虛龍西眷馳太行後尻坐黃花前面臨神京
中有萬年宅名曰康家莊可容百萬人豁然開明堂
維時將作臣奉旨趨傍傍盛德比霸杜宏規軼瀍邙
雷電驅玄冥白雲升帝鄉三光墜榆木窮北回轔轍
駁駭金粟堆寂寞橋山藏右獻左次景裕茂迤西旁

泰陵在茂西稍折南維康永陵在東南規模特恢張
硬石爲玄墀丹青煥雕梁昭近九龍池定依昭左方
其制亦如永工麗踰幸長慶居獻西隅德莫永東岡
環山數十里松柏參天蒼列宗每駕朝百執恒趨蹠
一年祭三舉侍從來班揚詩追安世歌典與郊禘光
自傷下土臣不睹昭代章天禍降宗國滅我聖哲王
渴葬池水南靈宮迫妃殤上無寶城制周帀唯輓牆
下有中涓墳陪葬義所當殿上立三主並列田娘娘
問此何代禮哽咽不可詳麥飯提一簞橐榛提一筐
村酒與山蔬一一自攜將下階拜稽首出涕雙浪浪
主祭非曾孫降假非宗祊重上諸陵間輒回復彷徨

茂陵樹千株獨立不受殿門閨尚完具上頭安御牀
自康以接慶小樹多榆枋殿樓盡黃瓦逶迤各相望
康昭二明樓並遭刦火亡定陵毀大殿以及東西廊
餘陵半無門累甓仍支矣尚存宰牲亭暨外諸監房
石人十有二袍笏兼戎裝六獸柱則四制與鍾山亢
跨以七孔橋峙以白石坊仁宗所製碑首峯當中央
行宮已頽壞御路徒荒涼每陵二太監猶自稱司香
人給地數畝把耒耕山蕩春秋祭碑下共用一豕羊
皆云牧騎來斫伐尤披猖并力與之爭僅得保界疆
有盜貴妃冢斬首竿以槍於時姦宄民瞿然始懲創
饒陵凡六口六口各有兵一陵立一衛衛設屯與倉

居廟有總兵昌平有侍郎一朝盡散逆無復陵京防
燕山自峩峩沙河自湯湯皇天自高高后土自茫茫
下痛萬赤子上呼十四皇哭帝帝不聞籲天天無常
幽都蹲土伯九關飛虎張日月相蝕虧列宿爲參商
自古有殂落劇哉哀姚黃從臣去鼎湖二妃沈江湘
倉皇一杯土十五零秋霜天運未可億天心未可量
仲華復西京崔損修中唐誰能寄此詩雅頌同洋洋

楊雄甘泉賦崇丘之穀張良之穀袁令師古注曰高大之狀司馬相如子虛賦硬石破缺注張良曰硬石白者如冰半有赤色公羊傳不及時而日渴葬也注荀急也釋名日月未滿而葬曰渴唐詩德宗紀貞元十四年以左諫議大夫平章事坐預爲終奉入陵使先是昭陵寢殿爲火所焚至是獻昭乾定奉立陵各造屋三百七十八間橋陵一百四十間元陵三十間惟建陵仍舊但修葺而已陵寢中林木雜雜一車以上帝皆親自閱視然後授損送於陵

王太監墓

先帝賓天日諸臣孰扈從中涓能一死大節獨從容

地切山陵悵魂扶輦御恭遠同高力士陪葬哭玄宗

唐書高力士傳力士配流黔中赦歸至湖州聞上皇厭代北望號
歎咤立而卒代宗以其耆宿保謹先朝贈杭州大都督陪葬秦陵

劉諫議祠

在昌平舊縣今廢

阜塋青史漫傳名白日黃泉氣未平自古國亡綠宦者可憐身沒尚書生荒阡草長妖狐出舊驛風寒劣馬行一自德陵升馭後山河祠廟總淪傾

居庸關

居庸突兀倚青天一澗水流鳥道懸終古戍兵煩下口本朝陵寢託雄邊車穿褊峽鳴禽裏烽點重岡落

鴈前燕代經過多感慨不關遊子思風煙

魏晉常景傳都督元禪據居庸下口亦作夏口北齊書大宣紀築長城自幽州北夏口至恒州九日餘里即今之南口也木經注居庸關山岫層漢側道諸矣宋郭熙陰路才容軌曉禽暮歇寒鳴相和舊官游子吟之者莫不傷思矣

極目危巒望八荒浮雲夕日偏山黃全收朔地當年
大不斷秦城自古長北狩千官隨土木西來羣盜失
金湯空山向晚城先閉寥落居人畏虎狼

陳江總作魯廣達蓋絕曰莫流淮海險失金湯

重登靈巖

在長治縣東南九十里

重來絕巔一攀緣凍閣崔嵬起暮煙山靜陡徐樓佛
地堂空龍象散諸天芟林果熟紅椒後入定僧歸白
鶴前寺有鶴莫問江南身世事殘金兵火一淒然

寺自宋以來最

金末族孽屯兵張汝
韓淲寺而寺丘墟矣

秋雨

生無一錐土常有四海心流轉三數年不得歸園林

曠地每塗淖闕天久曠陰尚冀異州賢山川恣搜尋

秋雨合淮泗一望無高淺眼中隔泰山斧柯未能任

車沒斷崖底路轉崇岡岑客子何所之停驂且長吟

奉父念西渴精衛憐東沈何以解吾懷嗣宗有遺音

後漢書吳鵠傳冀州今尚資孔子廻山無于魯今廻山蔽之手無斧柯奈廻山何

與江南諸子別

絕塞飄零苦著書竭來行李問何如雲生岱北天多
雨水決淮墻地上魚濁酒不忘千載上荒雞猶唱二

更餘諸公莫效王尼歎隨處容身足草廬

杜子美簡王明府詩行李須相問
史記秦始皇八年河魚大上漢書五行
志魚逆流而上也北史劉豐傳王思政據長社民詔言大魚道上行望之
水攻之策還湧水灌城水長魚鼈皆遊焉城遂陷管輅別傳雞一二更鳴
者爲荒雞晉書王尼傳尼早喪婦有一子無居宅唯畜露車有牛一頭每
行輶使御之暮則共宿車上客
歎曰滄海橫流處不安也

天津

文皇都北平始建天津衛內以輔神京外徼溟海際
南北瀉兩河吐納百川細輓漕日夜來貢賦無留滯
重臣鎮其間鼎足分宣薦豈惟念輸將隱然存大計
孽盜踵巢芝共主非幽厲曾無一矢遺歛啓都城閉
馬嵬止玄宗曹陽宿獻帝雖云兩日程乘輿豈能詣
先帝一出宮洞然知國勢與其蹈危塗不若宮中縊

嗚呼事一乖宇宙遂顛蹶開府固庸才奉頭竟南逝
趙世馮元熙多言曲突謀縱有亦奚濟何人爲史官直筆掃
蕪翳登陴望九門臨風灑哀涕

舊滄洲

落日空城內停驂問路岐曾經看百戰唯有一猿貌

再謁天壽山陵

已下上
章因歌

諸陵何崔嵬不改蒼然色下蟠厚地凌上峻青天極
佳氣鬱葱葱靈長詎可測云何月遊路坐見塞塵偏
空勞壯醴陳微寘神豈食仁言人所欣甘言人所惑
小修此陵園大眉我社稷竭來復仲春再拜翦荆棘
臣子分則同駿奔誰共職區區犬馬心媿乏莊扶力

送王文學麗正歸新安

兩年相遇都門道只有王生是故人原廟松楸頻眺望夾城花萼屢經巡悲歌絕塞將歸客學劖空山未老身生舊在金侍郎蔭幕府貰得一杯燕市酒傾來和淚溼車輪

答徐甥乾學

轉蓬枯質自來輕繞樹孤棲尚未成守江浦遲夜月飲牛澗底觸秋聲孤單苦憶難兄弟薄劣煩呼似舅甥今日燕臺何邂逅數年心事一班荆

鮑照詩古詩南國有儒生迷方獨
前誤伐木清江浦設置守龜兔

白下

白下西風落葉侵重來此地一登臨清笳皓月秋依

星野燒寒星夜出林萬古河山應有主頻年戈甲苦
相尋從教一掬新亭淚江水平添十大陵

重謁孝陵

舊識中官及老僧相看多怪往來曾問君何事三千
里春謁長陵秋孝陵

贈林處士古度

老者人所敬於今乃賤之臨財但苟得不復知廉維
五官既不全造請無虛時趙孟語諱諱煩亂不可治
期顧悲褚淵耄齒嗟蘇威以此住人間動輒爲世嗤
嶷嶷林先生自小工文辭彬彬萬曆中名碩相因依
高會白下亭下築清溪澗同心游岱宗誼友從湘累

江山忽改色草木皆枯萎受命松柏獨不改青青姿
今年八十一小字書新詩方正既無謗聰明矧未衰
吾聞王者興巡狩名山來百年且就見况德爲人師
唯此者成人皇天所憇遺以洗多壽辱以作邦家基

漢書東方朔傳老者人所敬也 南史褚淵傳齊受禪拜司徒賓客滿坐其
足招歎曰彥回少立名行何意放侷至此門戶不幸復有今日之拜使彥回
作中書郎而死不當是一名士耶名微不昌乃復有期頃之間 漢書蘇武傳
大唐秦王平王充坐於東都閻麗門內突厥謁見稱老疾不能拜起王遣
人數之曰公隋鼎革政亂不能匡救遂令品物塗炭君誠國亡見李密王
充答拜伏舞蹈今既老病無勢相見也卒歸長安至朝堂請見又不許卒於
家年八十人 莊子受命於地唯松柏獨也冬夏青青
晉書康誥汝南達雅商者成人 莊子多壽則多辱

贈黃職方師正

建陽人

黃君濟川才大器晚成就一出事君王牧馬踰嶺岫
元臣舉國降羽葆蒙塵狩崎嶇遂奔亡空山侶猿狹

蕭然冶城側窮巷一塵僥數口費經營索飯兼稊幼
清操獨介然片言便拂袖常思驅五丁一起天柱仆
微誠抱區區時命乃大謬南望建陽山荒阡餘石默
生違鹿柴居死欠狐丘首矢口爲詩文吐言每奇秀
揚州九月中煨芋試新酌猛志雷破山巒談河放滔
否終當自傾佇待名賢救落落我等存一繩維宇宙

杭州已下重光

宋世都臨安江山已失據猶誇天目山龍翔而鳳翥
重江險足憑百貨東南聚於此號行都六帝鑾輿駐
西輸楚蜀資北擁淮海成湖光映采恩山色連宮樹
兩國罷干戈君臣日遊豫裏樊一陷沒千里無完固

梵唄響殿庭。番僧招陵墓。天運亦何常。以此思其懼。
浙西錢穀地。不以封宗室。南渡始僑藩。懿親藉丞弼。
序非涿郡疎。德則琅邪匹。如何負扆謀蒼黃。止三日。
那肱召周軍。北庭王衛律。所以敵國人。盡得我虛實。
青絲江上來。朱邸城中出。一代都人士。盡屈旃裘鄰。
誰爲斬逆臣。一奮南史筆。

北齊書高阿那肱傳侯主還獻侍衛將軍惟那肱及內宮數十騎從行後主走度太行令那肱以駿子人授濟州刺史仍達與長安奏云周軍未至且在青州集兵未須南行及周將尉遲逼至關壯遠降時人皆云肱表款周武必仰生致齊主故不遽報兵至使後主欲擒肱至長安授大將軍封鄆公爲隆洲

刺史
詠

禹陵

大禹巡南守相傳。此地崩禮同虞帝。陟神勢異鼎湖升。

寃石形模古墟宮世代仍探奇疑是穴考典或言陵
玉帛千年會山河一氣憑御香來敕使主守付髡僧
樹暗巖雲積苔浸壑雨蒸鶴鶯呼冢柏蝙蝠下祠燈
餘烈猶於越分封並杞鄆國詒明德胙人有廟圖稱
往者三光墜江干一障乘投戈降北固授子守西興
冲主常虛已謀臣動自矜昔天皆爵祿無地使賢能
合戰山回霧窮追海踐冰蠡城迷白草鏡沼爛紅菱
樵採岡林福弓刀塢壁增遺文畱仆碣仄徑長荒藤
望古頻搔首嗟今更撫膺會稽山色好悽惻獨攀登

史記趙世家贊趙世世爲公侯蓋國之餘烈也
左傳叔師子焉以伐遺遺楚莫不欽慕容仁時海東雖自昌黎東
沐而遠趙生書防塢者趙所必退吳軍也抗塢
者句踐抗也二百石長員卒七士人庶之會與

宋六陵

六陵饒荆榛白日愁春雨山原互起伏井邑猶成聚
偃折冬青枝哀哀叫杜宇海水再桑田江頭動金鼓
歸屬一遷返淚灑橫宮土

楚辭九章遷遠次而彷徨兮聊假日以須時洪祖與補注遷遠猶追行不進貌遠之旬反

顏神山中見橘

黃苞綠葉似荆南立雪凌寒性自甘但得靈均長結
伴顏神山下即江潭

三月十九日有事於橫宮時聞緬國之報

已下玄武
攝提格

此日空階薦一觴軒臺雲氣久芒茲時來夏后還重
祀識定凡君自未亡宿鳥乍歸陵樹穩春花初放果

園香年年沾灑灑頻寒食咫尺龍鬚近帝旁

莊子楚王與凡君坐少焉楚王左右曰凡人者三凡君曰凡之人也不足以
支吾志夫凡之人不足以喪吾志則楚之存不足以存由是莊之則凡未
始入而楚未始存也

三輔黃圖安陵有異園

古北口

漢家亭障接山南光嚴臺空倚夕嵐戍卒耕田烽火
哀唯餘城下一茅菴

歲歲飛鴻出口迴年年採木下川來川中鹿角都除
却便似函關日夜開

白髮黃冠老道流自言家世小興州一從移向山南

住吹角孤城二百秋

永樂初春
大小興州

霧靈山上雜花生山下流泉入塞聲却恨不逢張少

保磧南猶築受降城

霧靈山在曹家寨邊外嘉靖初巡撫王大用欲路三衛取其山城之不果

五十初度時在昌平

居然濩落念無成隙駟流萍度此生遠路不須愁日暮老年終自望河清常隨黃鸝翔山影慣聽青鶴別塞聲舉目陵京猶舊國可能鐘鼎一揚名

北嶽廟

曲陽古名邦今日稱下縣嶽祠在其中巍峩奉神殿體制匹岱宗經營自雍汴鶴駕下層霄宸香闕凌院曉暘鬼目獐盤處松根轉白石睇穹文丹楹仰流絢肇典在有虞望秩羣神徧時巡歲即暮歸格牲斯薦自此沿百王彬彬著紀傳恒山跨北極自古無封禪

賴以鎮華戎帝王得南面河朔多彊梁燕雲屢征戰
赫赫我陽庚區分入邦甸告祈無闕事降福蒙深眷
周封喬嶽柔禹別高山奠疆吏少于城神州恣奔踐
祠同宋社亾晚歲祀穆
渾源州祭卜伊川變再拜出廟門嗚呼
淚如霰

左太冲吳都賦忘其所以喚陽失其所以去竟李善注說文曰獎鑒視也陽疾視也舊唐書張嘉貞傳爲定州刺史至州於恒岳廟中立頌自爲文書於石爲碑用白石爲之素質黑文甚爲奇麗今碑在廟中漢書鄭元志周鼎三之四十二上宋太丘記云

井陘

水折通燕海山盤上趙陘權謀存史冊險絕著圖經
瞰下如臨井憑高似建瓴陘冰當路白窯火出林青
頗憶三分國曾觀九地形秦師踰上黨齊卒成熒庭

獨此艱方軌於今尚回局

井陘之道春秋戰國用兵未有由之者
自王翦韓信伐趙始開此路而置武
井陘關路襲燕慕李寶於中山於今遂為通途

連恒開晉索指鼎逼

虞星乞水投孤戍炊藜舍短亭却愁時不會天地一

流萍

左傳襄二十二年齊侯伐晉是武軍於樊定四年命以唐語而封於夏寢鄭以夏政疆以戎索

一鴈

一鴈度汾河邊積雪多水枯清澗曲風落介山阿
塞上愁書信人間畏綢羅覆車方有粟飲啄意如何

堯廟

舊俗陶唐後嚴祠古道邊土階依玉座松棟冠平田
霜露空林積丹青彩筆鮮垂裳追上理曆象想遺篇

鳥火頻推革山龍竟棄
棄汾方風動壑姑射雪封顛
典冊淪幽草文章散暮煙滔天非一族
猾馬已三傳歲至澆壺酒人貧
閼社錢相逢華髮老猶記漢朝年

英子堯日未坐華殿之上森然而松生於棟余立櫺屏之內森然而安生於牖詩後汾一方

亭林詩集卷之三終